

USO DE MÁSCARA NO EXTERIOR

O 9 de febreiro de 2022 o Ministerio de Sanidade publicou o seguinte documento:

Aplicación da lexislación sobre a obrigatoriedade do uso da máscara en centros educativos (Real Decreto 115/2022, do 8 de febreiro, polo que se modifica a obrigatoriedade do uso de máscaras durante a situación de crise sanitaria ocasionada pola COVID-19)

A modo de **resumo**, este documento establece que:

1. O uso de máscara en interiores continúa a ser obrigatorio para todas as persoas maiores de 6 anos (e recomendable para maiores de 3 anos) salvo aquelas casuísticas previstas na normativa.

2. O uso de máscaras en espazos ao aire libre será obrigatorio naqueles casos específicos nos que se organicen eventos multitudinarios nos que os asistentes estean de pé, ou se están sentados e non se poda manter unha distancia de seguridade de cando menos 1,5 metros entre persoas.

Puntualiza o documento que, tendo en conta a definición da OMS de evento multitudinario e dadas as medidas actuais de limitacións en centros educativos, así como a interpretación da norma respecto a eventos multitudinarios, considérase que a interacción nos centros educativos na actividade educativa ordinaria ao aire libre non se corresponde con eventos multitudinarios.

3. Respecto da limitación de contactos, lémbrese que deberán evitarse de maneira xeral aquelas actividades no centro educativo que supoñan a mestura de alumnado de diferentes grupos de convivencia ou clases; mantendo a distancia interpersoal a excepción das persoas que forman parte dun mesmo grupo de convivencia estable.

No caso do noso centro, no recreo mantense a separación entre clases. Polo tanto, **cando o recreo sexa ao aire libre o uso da máscara non será obrigatorio.**

Seguindo as indicacións do Subcomité Clínico da Consellería de Sanidade, **nas entradas e saídas do centro recoméndase o uso de máscara** xa que é un momento no que poden ter lugar aglomeracións e mestura puntual de alumnado de diferentes clases.